

# みんなくりポジトリ

国立民族学博物館学術情報リポジトリ National Museum of Ethnology

## TAALOL TARIHA

メタデータ	言語: eng 出版者: 公開日: 2009-04-28 キーワード (Ja): キーワード (En): 作成者: 江口, 一久 メールアドレス: 所属:
URL	<a href="https://doi.org/10.15021/00001844">https://doi.org/10.15021/00001844</a>



# TAALOL TARIHA

## 266 Genndeeru bee gujjo yimbe

Taalel taalel geccol geccol.

Woodi yaake man, be cooranno himbe haa Luggere Sadi. Wuro man boo haa huunde man wadi haa Kooleere Gunnjuki d'akki Gasiga. Yaake man nannganno himbe goo. Genndeeru doo bee debbo maako, waatoo, ban pelled man no waadi, ban doo bee Dowmaayo. Law ladde don kadi haa caka man.

See, kanko goo, o duhi kilot<sup>1</sup> maako, borni tiriko<sup>2</sup> maako hoosi sawru maako, wakki. Law debbo maako nanngi mo nii, vi'i mo: "Toy a yahata?" O vi'i: "Mi don yaha hiirde." Debbo maako vi'i: "Miin kam, to a neebi, a tawataa yam." Debbo maako boo kaajudo masin. O vi'i: "Too, booddum." O don dilla, o don dilla, o don dilla, o yotti maayel doo, paabi don woya. O eeri maayo goo, paabi goo don mboya nii, o eeri sedda goo, paabi goo sirwi. O vi'i: "Alla am, mi yaali pelled doo paabi don mboya, haa mi eeri, e ko wadi di cirwi jonta doo? Huunde nde naa meere. Accu."

See nonnon, bokki don. Haa les man boo waande don, loogoore.

See, kanko goo o yehi nasti nder waande loogo goo joodi, bee sawru maako. Asee maa, gujjo on don tokka mo haa nannga oya sorra. Gujjo eerti kanyum boo bee pargal. Gujjo doo pat, gaasimmbaaki, vakkude doo pat, o mosli nii, o mosli nii. See kanko sey kampe<sup>3</sup> baleejum bee baaru maako. Celbi don vuuda haa lesdi. O waddi saayiire goo hippa. O ardini gal yeeso. O don dogga, o yotti deydey on goo nastino, les leggal goo. O vi'i: "Alla am, ndaa mi laarino goddo, e to o saayori haa do doo?"

See, o vi'i: "Kaay, naa o yaawi nii, ban nii kam. Accu, hannde kam. Biira, to mi jokki mo kam o bu'an." O doggi gal yeeso. Yela o jokkan oo goo. Oo goo kam, kayya, aan boo, haa o joodi nder waande doo, koo cufu nati mo maa nii o wadta. Doyru maa fuu ta'i o don jawa<sup>4</sup> o don lorna bee semmbe. Sikenaa, oya goo doggi doggi haa yeeso goo jokkaay mo fayin. O wari dari haa pelled goo. Oo goo boo waande goo modaay mo hoore booddum. O don laara yaasi, ndaa d'akki laawol goo.

See, on goo wari don wama, jam, o vi'i: "Ceede dadi haa do." Oo doo goo boo don nder waande goo.

See nonnon, gujjo goo vi'i: "Biira, mi yaaranno mo Luggere Sadi sika? Teema o lori. Accu mi dogga gal too." O doggi fayin gal wuro goo. O jokkitaay mo. O lori fayin o wari pelled goo o dari. O vi'i: "Mi don nana kisiri innu don hacca haa doo. Mi yi'ataa mo. Ko wadi, Alla am Baawdo? Nden kam o don yeeso." Henndu don wadda kisiri maako. Biira, o doggi bee semmbe gal yeeso goo. Oya goo kam naa o

<sup>1</sup> Kilot < culotte.

<sup>2</sup> Tiriko < tricot.

<sup>3</sup> Kampe, dum gajeere.

<sup>4</sup> Jawgo kam foofgo seeda seeda.

doggi daayini naa, oya goo wurti. Wat, biira, vidi vidi vidi vidi, o don dogga nonnon. O yotti nder ndiyam.

See, o do”i nonnon bee limse maako, sawru kam o dali tonton. O eerti. O yotti yottugo dampi parewal. Debbo maako vi’i mo: “Dume? Dume?” Debbo maako boo vi’i: “Teema anndaa ko farti mo haa nder saare.” Kanyum boo ummi, biira, wurti don wooka, kererewrewrew, wadi yaasi. Biira, kanko boo o vi’i: “Anndaa ko hebi debbo doo. “ Kanyum boo haa nder suudu. Kanko boo o wari yaasi. O wurti saare maako. O wari.

Takalamulus.

(1969-70, Abdullaay Osmaanu Baasewoojo taali ngol haa Marwa.)

